

nja udžbenika i držati moralne pridike drugima.

Sevid Hurtić, direktor IK NAM Tuzla

Ja nisam kompromitiran kadar

(Fokus: Popravljanje reputacije Emira Turkušića, kadra SBB-a; Dani 687; 13. 8. 2010., str. 8 - 9)

U vašem listu je 13. 8. 2010., u *Fokusu*, objavljen članak *Afera "Prirodno-matematički fakultet": Popravljanje reputacije Emira Turkušića, kadra SBB-a*. S obzirom da je cijeli tekst napisan s ciljem negiranja ocrnjivanjem te suprotan odredbama Kodeksa za štampu BiH, šaljem Vam demanti sa zahtjevom da ga u cijelosti objavite kao i izvinjenje, a sve radi umanjenja nanese mi štete. Također tražim da se izvinjenje i demanti postave na Vaš web site s obzirom da se klevete na moj račun nude čitaocima 24 sata online diljem svijeta od dana postavljanja na web. Za preostali dio štete koji se ne može umanjiti nikakvim demantijem, pobrinut će se moj advokat.

Suprotno većini članova Kodeksa, članak sadrži niz grubih neistina i iskrivljenih tumačenja ispod svih standarda profesionalnog novinarstva. Novinarka potpisana s B.B. nije me nikada kontaktirala a već treći put o meni piše gnusne neistine dezinformirajući javnost. U spornom članku stoji:

Niti jedna moja odluka nije osujećena na sudu, opet gnusna klevetnička laž

1. Naslov: *Popravljanje reputacije Emira Turkušića, kadra SBB-a*.

Kodeks za štampu Član 2 – Urednička odgovornost. B.B. laska sama sebi sugerirajući da ona upravlja rušenjem i popravljanjem nečije reputacije misleći da se to može raditi klevetom.

2. "Međutim, novinara manje zabrinjava sam sadržaj optužnice..."

Kodeks za štampu Član 3 – Huškanje; B.B. ignorira sadržaj optužnice najavljen u *Avazu* kao suštinu, a krivicu prebacuje na onoga ko se jasno odredio prema kriminalu pa je tako iskazano novinarsko opredjeljenje da nije kriv ko čini nezakonitosti nego onaj ko to primijeti ili još gore prijavi nadležnima.

3. "Nakon što ga je odbacio matični fakultet PMF".

Kodeks za štampu Član 5 – Tačnost i fer izvještavanje i Član 2 – Urednička odgovornost. O tome ko predstavlja matični fakultet vodi se sudski spor i riječ "odbacio" pripada vokabularu ulice. Na koji Fakultet misli B.B.? Je li to onaj Fakultet koji sam u ratu pod vatrom s Grbavice gasio u

dva navrata, opremio ga skupim instrumentima, obnovio amfiteatar i pomogao sredstvima za nauku koja se mjere stotinama hiljada maraka u vrijeme mandata ministra, a sve na potpuno legalan i transparentan način bez obzira šta o tome misli la B.B.

4. "...nakon što ga se odrekla SBiH".

Kodeks za štampu Član 5 – Tačnost i fer izvještavanje. O tome ko se koga odrekao postoji pisani dokaz koji će u tužbi za klevetu biti priložen kao takav. Šta B.B. ima s mojim potpuno ličnim političkim opredjeljenjima ako ja pri tome uporno držim kičmu uspravno.

5. "SBiH koju je toliko obrukao za vrijeme ministrovanja"

Kodeks za štampu Član 5 – Tačnost i fer izvještavanje. Ja ničim nisam obrukao SBiH. Naprotiv, prvi sam pokrenuo finansiranje nauke u BiH o čemu je ekspertni tim UNESCO-a dao ocjene u superlativu. Kada je nakon mog mandata finansiranje nauke potpuno prestalo, B.B. to nije ni primijetila. Ja mogu lako dokazati da B.B. pišući neistine bruka *Dane*, a B.B. ne može ničim dokazati da ja brukam bilo koga. Da je B.B. pokušala kako nalaže Član 5 Kodeksa saslušati i drugu stranu, morala bi napisati i nešto istinito, a to joj nije bio cilj.

6. "...nakon što ga nije htjela usvojiti ni, suprotno njegovim priželjkivanjima, SDA (koja ni sama ne zna šta će sa svojim kompromitiranim kadrovima, a kamoli da uzima tuđe)".

Kodeks za štampu Član 1 – Opće odredbe. Šta Vama B.B. daje za pravo da špekulirate o mojim "priželjkivanjima" o kojima ja prvi put saznajem od Vas? Kako Vas, narodski rečeno, nije sramota? Ja nisam kompromitiran, osim ako pod time ne podrazumijevate Vaš očigledan animozitet prema meni, koji je za moj dignitet irelevantan.

7. "Dok se promovira istraga koja se vodi na osnovu njegove prijave, istovremeno se guraju pod tepih ne samo prijave i izvještaji podneseni protiv njega, već i sve nasljeđe koje je ostavio iza sebe. Lista je mučna: ilegalne odluke o upravnim odborima, ustoličenje 'svojih' dekana i svrgavanje tuđih."

Kodeks za štampu Članovi 1, 2, 3, 5 i 6. Vi o istragama, prijavama, izvještajima, ilegalnim odlukama, ustoličenjima, direktnim lobiranjima itd. znate toliko koliko Vam je sugerirao Vaš "izvor" za ovaj članak, a to je ama baš ništa. Ne bih bio na Vašem mjestu kada budete morali dokumentirati gore pobrojane pravne kvalifikacije.

8. "Netransparentna raspodjela novaca rezerviranih za razvoj naučno-istraživa-

čke djelatnosti".

Kodeks za štampu Članovi od 1 do 6. U vrijeme moga mandata niko nije dobio sredstva za projekt a da nije imao uslove i ne postoji niko ko je imao uslove a da nije dobio sredstva. To su bili apsolutno transparentni konkursi za projekte i to im je bila najveća mana (po mjerilima onih koji su vaš izvor). Oni koje je upravo transparentnost pogodila nalaze u Vama glasnogovornika za svoje frustracije.

9. "Srozavanje PMF-a do te tačke da je tokom dvije godine zbog ovakve situacije zaustavljen svaki naučni proces na fakultetu, napredovanje u viša zvanja, magistriraju, doktorati".

Kodeks za štampu Članovi od 1 do 6. Nisu navedeni procesi zaustavljeni sami od sebe, nego su ih Vaš izvor i njemu slični zaustavili opstrukcijom sjednica Nastavno-naučnog vijeća i sprečavanjem njihovih održavanja. Ovaj je sindrom poznat kod podmetanja požara kada se onaj ko podmetne požar poslije pridruži gasiteljima.

10. "Sve ovdje spomenuto argumentirano je velikim brojem prijava o kojima je svoju riječ dalo i sudstvo."

Kodeks za štampu Član 5 – Tačnost i fer izvještavanje. Niti o jednoj prijavi protiv mene nije riječ dalo sudstvo. Vi svjesno pišete neistine a to je po definiciji laž. Vi ne znate razlikovati prijavu od presude, a presuda, koju spominjete, ne odnosi se na mene. Vi je klevetnički vežete za moje ime.

11. "S obzirom da nije mogao progurati svoje favorite, skoro svakih petnaest dana postavljao je nove članove Upravnog odbora."

Član 5 Kodeksa. Članove Upravnih odbora postavlja vlada. O ovoj kao i ostalim lažima bit će riječi na sudu.

12. "Međutim, Turkušiću je bilo bitno da prikrije."

Kodeks za štampu Član 5 – Tačnost i fer izvještavanje. O ovome postoje suprotni dokazi koje će moj advokat znalčki upotrijebiti.

13. "No, s obzirom da su u međuvremenu sve njegove odluke osujećene na sudu, Turkušić je neslavno prošao na fakultetu."

Kodeks za štampu Član 5 – Tačnost i fer izvještavanje. Niti jedna moja odluka nije osujećena na sudu, opet gnusna klevetnička laž. Naprotiv, odluke onih koji su Vaš izvor osujećene su na sudu, Vaš izvor spada među one koji odluke suda stavljaju na glasanje.

Dr. Emir Turkušić, Sarajevo

* * *

(Odgovor urednice Belme Bećirbašić objavljujemo u narednom broju *Dana*)

